



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Coleta V. 6. Martii.

urn:nbn:de:hbz:466:1-44055

FRIDOLINO millia passuum V.Ranckurchium (ibi enim fortè jus Prætor dicebat) contendit, testis utique omni exceptione major. Nempe minimè placere Landulpho judicio cum morte contendere; ultrò etiam suam portionem heredi Deo cedere, & assēm jam promittere, qui semissēm nuper negaverat. Quid ad ista vos, quibus hodie hereditate strā cælum excludere familiare jam est? imò vos, quid? qui donatam à Majoribus vestris erēptum iterum itis. Ad illos, ad mortuos inquam provocant sacra & sacri homines. Non surgunt, dicitis? at timete. Surgeant. *Ex vita.*

Considera quām multi nunc moriuntur, quibus si una hora ad pœnitentiā concederetur, qua tibi concessa est, quomodo per Altaria & quām festinanter tandem suspirarent, donec peccatorum veniam à Deo consequi mererentur. S.Bern.l.de Int.Dom.c.i.

S. COLETA V. 6.Martii.

COLETA in vivis jam ea spectacula meruit, quæ puris mentibus CHRISTVS olim promisit, ut quæ hunc & Cælites alios familiares quotidie in oculis habuit. Quare vaticiniis ac miraculis clara, & à D. Joanne Apostolo, anulo CHRISTO desponsa, ab hoc ipso tandem in cælos deduci visa est. Epulum Eucharisticum ingenti fame appetiit; & hinc, favore in paucis memorando, eundem convivatorem & cibum quandoque natæ, CHRISTVM è CHRISTI manu accepit. Aspera quæque ferre ejus amore ita avebat, ut omnes Martyrum cruciatus lubens volens persenserit, toties prope Martyr dicenda, quot Martyres cælum numerat. Sed ad id impulit nimirum Servator, qui ei tormenta, quæ exantlasset, quibusque membris,

membris , singula ipse omnia enarravit. Addo, quod primo omnium loco erat ponendum. Pre-
canti in conspectum MAGNA MATER se & FILIO-
LVM suum dederat ; sed non eum , qui è sinu vel
MATRI vel CoLETÆ arrideret, sed qui unum jam
toto vulnus corpusculo, lacrimis suis commisera-
tionem videretur atque opem exposcere. Adjecit
FILIO adgemiscens MATER , illam etiam hodie
facinorosorum crudelitatem esse : utique pueritiae
cumprimis, quæ vix natum CHRISTVM , vix ipsa
nata , non jam uno concidit vulnere. Quis quod
placet prævenire Judæorū manus: puerum CHRI-
STVM in crucem pueri agunt , nec semel agunt.
Superi ! quid gigantes facient, quando bellum ca-
lo pumiliones inferunt ? Ex Steph. Iul.

*Vide & considera, quanta sit erga te dignatio Dei
tui, & obliviscere populum tuum & domum patris tui:
desere carnales affectus, seculares mores dedisce, à priori-
ribus vitiis abstine, consuetudines noxias obliuiscere.*
S.Bern.serm.de Mut.Aquæ in Vin.

S. THOMAS AQUINAS C. 7. Martii.

THOMAS Aquinatum Comitum sanguis, in-
fans oblata fortè in schedâ verba, quibus MA-
RIAM salutamus, illico devoravit , bellaria omni
infantiae danda. Puer in bullâ suâ mundum agno-
vit , eoqué ad D.Dominici castra confugit ; sed
retractus à tam generosâ fugâ egregiam pugnam
edidit , Veneremque ab inimicis domesticis sub-
ornatam, & faces sibi admoventem, raptis è foco
armis , in fugam agens novo stratagemate ignes
ignibus elusit. Ita ubi debellatum est , victoriam
gratulati Angeli, balteo virginitatis victorē exor-
narunt. Ille posteà doctrinam virtuti socians , ita
de